



Simon Eccius natus est honestis parentibus in Suevia, sub ditione Augustani Episcopi, mēse Octob. anno 1514. Is cum felici ingenio frueretur, à pueris literas amauit, atq; liberales artes magna diligētia didicit. Habebat Simon fratrem Ioannem Eckkium doctissimum Theologum, qui Ingolsta-
dij sacras literas enarrabat. ab eo adiutus ad uarias academias accessit, & Iurisprudentiæ operam dedit. Cum etiam aliquoties fratris nomine ad principes legatus mitteretur, atq; eius libros & lucubrationes offerret, in multorum illustrium uirorū notitiam peruenit. Hoc modo cū feliciter pergeret, et domestico exemplo incitatus egregiam sibi erudi-

tionem compararet, tandem solenni pompa 1538 Ingolsta-
dij Legum Doctor creatus fuit. Accedebat etiam uitæ integritas, prudentia rara, & naturalis quædam facundia. Itaq; primò Viennensis Officialis constituitur. In eo loco cum per biennium uixisset, fratris opera honestam uxorem duxit, & in Bauaria magna solēnitate nuptias celebrauit, quibus etiam Albertus Bauariæ, & Ulrichus Megapolensis duces interfuere. Cum autem Ernestus Bauariæ dux, & Salisburgensis Archiepiscopus huius Simonis uirtutes perspexisset, eū inter consiliarios suscepit, & res plurimas suo nomine expedire iussit. Postea quoque Burghusij in ducalem senatum ascitus, res sibi commissas summa dexteritate peregit, atq; Vuilhelmo principi gratissimus fuit. idq; eo tempore, cum Ioannes frater 1543, magno eius mœrore, Ingolsta-
dij uita fungeretur.